



Universitätsbibliothek Paderborn

Biennii Peripatetici

Complectens Quæstiones Logicales Una Cum Institutionibus Dialecticis Ad
Antiquorum Recentiorumque Mentem Resolutas, Nec Non Juxta Modernam
Scholarum Peripateticarum Methodum Elaboratas & Explicatas

Kretz, Marquard

Heripoli, 1749

§. 2. Quæ sint affectiones unversalis?

[urn:nbn:de:hbz:466:1-52248](https://nbn-resolving.de/urn:nbn:de:hbz:466:1-52248)

238 DE UNIVERSALI IN GENERE.

duntaxat convenit, & extrinsecè ; Aliàs equius aut Petrus etiam foret prædicatum. IV. Dum affirmo, Petrum esse hominem, natura humana & contracta, & abstracta est, *contracta* ex parte subjecti, *abstracta* ex parte prædicati. *Nec obstat*, quòd actus judicii sit simplex qualitas; Est enim simplex qualitas, fateor; sed præterea Virtualiter est duplex; cùm sit repræsentatio prædicati, & subjecti, quæ ratione distinguuntur. V. Dum Universale prædicatur actu, manet adhuc prædicabile, non quidem *potentia pura*, & excludente omnem actum, quale est, antequam actu prædiceatur; sed *potentia mixta*, quæ actum aliquem includit. VI. Sensus externi non faciunt Universale; sensus enim, teste *Aristotele*, est singulare, intellectus Universalium. Quandoverò idem Philosophus dicit, quòd objectum oculi non sit color hic, vel ille, sed color. Nihil aliud intendit, quām quòd oculus non necessariò determinetur ad unum colorem, sed quòd omnes respiciat, & quemlibet in singulari. *Vide etiam* n. 212.

§. II.

Quæ sint Affectiones Universalis?

278. *Dico.* Ex ipso Aristotele variæ assignantur Universalis affectiones, secundùm varias considerationes, quibus spectari potest.
 I. Si consideretur in ordine ad tempus, est *eternum*, non quidem *quoad existentiam realem*, & positivè; cùm præter Deum nihil positivè
 ab

ab æterno existat: Nec *quoad existentiam obiectivam seu rationis*, quam ab intellectu accipit; sed *ratione essentiæ*, sive prædicatorum essentiarium, quæ omni tempore, quo Universale existit, ei convenient. Æternitatem hanc *negativam* appellat D. Thomas, dicitque Universalia æterna esse, quatenus nulli temporis addicuntur. Hinc de Universalibus complexis in materia necessaria fiunt propositiones æternæ veritatis; nam verbum *est* in materia necessaria à tempore abstrahit. Unde quocunque tempore hanc proferas propositionem: *Homo est animal rationale*, semper est vera; & velide juxta Aristotelem *Universalia sunt semper*.

2. Si spectetur in ordine ad locum, est *ubique*, & *immensum*, tum *negativè*, quatenus ex se indifferens est, ut in diversis locis per sua singularia existat, & quatenus hæc v. g. propositio: *Petrus est animal*, semper vera est, quocunque demum in loco proferatur. Tum *positivè*, non quidem *simpliciter*, sic enim immensum esse soli Deo convenit; sed *secundùm quid*, quatenus in iis locis omnibus est, in quibus ejus singularia existunt.

3. Si sumatur in ordine ad actionem agentis, *ingenerabile est*, & *incorruptibile*. Universale enim *per se* nec generatur, nec corruptitur; sed *per accidens*, & ratione singularium, quibus inest, non enim nascitur, aut moritur *animal ut sic*, sed hoc animal v. g. Petrus, Paulus vel Molossus &c.

4. Si

4. Si spectetur in ordine ad potentiam abstrahentem, est *insensibile*; *per se* enim non sentitur, sed *per accidens* tantum, & ratione singularium. Inde consequitur, Universale nec per externum, nec per internum sensum fieri *per se*; versantur enim sensus tantum circa sensibilia *per se*.

5. Si consideretur in ordine ad cognitionem, *Universalius*, juxta Arist. *i. phys. c. i.* *notius* est, quam minùs *Universale quoad se*: Quia cognitio totius actualis distinctè haberi nequit, quin partes ejus essentiales cognoscantur; sed Universaliora sunt partes essentiales minùs Universum; sic *hominis*, qui est terminus minùs Universalis, partes essentiales sunt *substantia*, *corpus* &c. quæ Universaliora sunt.

6. Si consideretur in ordine ad singularia, *prius est illis*, non quidem *tempore*, & *existentiâ*, sed *naturâ*, & *existendi consequentiâ*, quatenus bene argumentor à singularibus ad Universalia, v. g. sic: *Petrus est*, ergo *bomo est*; non autem vicissim.

7. Universale vel *materiale*, vel *immateriale* est, respectu inferiorum, in quibus fundatur. Hæc si materialia sint, etiam Universale materiale dicitur, si spiritualia, spirituale nuncupatur.

8. Relativè ad inferiora est *totum potentiale*, quia multa potentiat complectitur ut partes: Sic genus continet potentiat species, species individua, quibus secundum se totam intensivè sumptam apta est inesse, & de illis prædicari.

279. Ex his inferes & resolves sequentia paradoxa. I. *Universalia semper sunt, & nunquam.* Semper, quatenus nulli temporis addicuntur, & in materia necessaria de illis fiunt propositiones semper veræ. Nunquam, quatenus ut talia per se non habent existentiam realem positivam, sed fundamentaliter existunt in singularibus. II. *Universalia ubique sunt & nullibi.* Ubique negativè; nullibi per se, sed tantum per accidens ratione Singularium, quæ fiunt in loco. III. *Universale est ubique positivè, & non est ubique positivè.* Est, nimis secundum quid; non est, scilicet simpliciter, ut Deus. IV. *Universale non est homo, nec nunc, sed semper, & ubique.* ut inquit Arist. lib. i. Posterior. Hoc resolvere ex præcedentibus, primum est. V. *Universalia magis sunt, quam particularia;* Eoquod non sint temporalia per se, nec per se generentur aut corruptantur, sicut singularia. VI. *Universaliora notiora sunt, quam minus Universalia,* ut fert pronuntiatum philosophicum; & tamen illa *difficiliora cognitu sunt, quæ magis Universalia,* quod alterum est Philosophorum pronuntiatum. *Notiora sunt quoad se juxta explicationem suprà affectione quintâ datam.* *Difficiliora cognitu sunt quoad nos, & sensus nostros, à quibus cognitio initium dicit;* nam minus Universalia sensibus propinquiora sunt, quam magis Universalia (intellige præcipue prima scientiarum principia, quorum cognitio ex terminis habetur) qui enim viâ inventio-

Q

nis

ab-
sen-
sin-
nec-
fieri-
sen-
iem,
is est,
nitio
par-
iver-
ersa-
Uni-
cor-
aria,
isten-
qua-
Uni-
est;
eria-
inda-
ersale
num-
tiale,
artes:
es in-
nsive-
ri.
279.

nis cognitionem scientificam acquirit, ab Universalibus, sensui vicinioribus, ad Universalia progrederitur.



DISPUTATIO III.

De Universalibus in specie & Individuo.

280. **D**issertatio de Universalibus in specie
alio nomine *Isagoge Porphyrii* ap-
pellatur ab ἵστιν, & ἀγωγὴν ductio;
propterea quod *Porphyrius Phoenix*, qui una
cum *Origene Philosophiae Platonicæ sub Plotino*
seculo Christi tertio operam navavit suam,
& ex Judæo Christianus, ac rursus ex Christiano
Judæus factus est, in *Chrysostomii discipuli*
sui gratiam, Tractatum de quinque vocibus,
seu prædicabilibus conscripsit, quod perfectius
eum in notitiam de prædicamentis Aristotelicis introduceret. Tractatum hunc *Porphyrii*
à malè scriptis perpurgatum magni semper
fecerunt Philosophi etiam Christiani, ac propter
multiplicem utilitatem suam publicis etiam
prælectionibus censuerunt dignissimum. Horum
judicio, eruditisque eorum ac doctissimis
in *Isagogen Porphyrii* elucubrationibus non possum,
si sapere velim, non acquiescere, eisque
suffragari. Ne autem, quod intus judico,
verbisque assevero, factis negem, doctrinam